



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCLV. Herzog Albrecht von Sachsen beurkundet, daß ihm König Wenzel
von Böhmen und Markgraf Otto der Lange von Brandenburg gewisse
Versprechungen in Ansehung des zu erwählenden Römischen Königs ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

rabili Domino Merseburgensi Episcopo, bonaque vestra ab ipso recipiatis, scientes, si in hoc nostris obtemperaveritis precibus et monitis, ita quod praefato Domino nostro tanquam Domino vestro obediveritis, quod tunc statim abnunciamus et renunciamus omni juri et impetitioni, quam hucusque habuimus in sedibus judiciorum memoratis, Volentes adhuc promotioni vestrae omni tempore intendere, tanquam nobismetipsis homagium fecissetis. In praedictorum omnium evidentiam literam nostram apertam *) vobis mittimus, Sigillorum nostrorum appensione roboratam. Datum Heburck, Anno Domini MCCXCI, quarta feria post diem Brixii. Si vero praefata facere renueritis, tunc vos scire cupimus, quod praefatum Dominum nostrum Episcopum deferere non possumus nec debemus, sed assistere ei fideliter toto posse.

Nach Pfeifferi Lipsia lib. II, 130. Wilkii Ticemann. App. 96, 97. u. Buchholz a. a. S. 124.

CCLV. Herzog Albrecht von Sachsen beurfundet, daß ihn König Wenzel von Böhmen und Markgraf Otto der Lange von Brandenburg gewisse Versprechungen in Ansehung des zu erwählenden Römischen Königs gemacht, und daß er dafür dem erstern in der Wahl beistimmen wolle, am 29. November 1291.

Nos albertus, dei gracia dux Saxonie, angarie et westphalie, comes de Bren, purcravius de Meydeburgh, sacri Romani imperii princeps et marschalcus, ad uniuersorum noticiam tenore presencium volumus peruenire, quod magnifici principes domini wenceslaus Rex Boemie, pincerna, et Otto longus, marchio Brandenburgensis, camerarius eiusdem imperii, qui vna nobiscum et cum aliis imperii principibus in electione Romanorum Regis in imperatorem promouendi obtinent ius et vocem, nobis beniuole promiserunt, quod priusquam ipsi personam aliquam in Regem Romanorum eligent, procurabunt, vt persona illa, que tunc in Regem Romanorum eligenda fuerit, nos certificet et nobis caueat de quatuor milibus marcarum et quingentis marcis argenti puri pragensis ponderis, quod nobis eadem in competentibus terminis exfoluat Rex Romanorum predictus, et si poterunt nostra negotia apud eundem Regem Romanorum quicumque fuerit in melius dirigent. Juxta posse procurabunt etiam ante electionem predictam, quod Rex Romanorum, qui per eos electus fuerit, de octingentis marcis argenti, in quibus apud Thyzmannum lanchrauium pro bonis in oldenburgh, ad mandatum quondam domini Rudolphi Regis Romanorum fideiussimus, nos certificet, nobisque plene caueat de eisdem. Ordinabunt etiam ante electionem eandem, quod quitquid juris per sententiam Regiam contra archiepiscopum et ecclesiam Magdeburgensem obtinuimus, ad illud idem vltius prosequendum Rex Romanorum, qui electus fuerit, nos teneatur iuuare iustitia mediaute. Et ea omnia expressa superius, que pro nobis apud predictum Regem Romanorum nouiter eligendum efficere et procurare promiserunt, si nos ante electionem Regis Romanorum, quod absit, contingat decedere, pro

*) Wille: aptam. — Die Namen bei Buchholz: Rötham, Röthane, Lüzin, Lutzin, Lipsk, Heburgae.

nostris heredibus fideliter procurabunt. Ceterum cum ad electionem celebrandam Regis Romanorum eandem Regem Boemie in proximo continget procedere, nos ad locum, pro electione Regis Romanorum statuendum (sic), cum ipso Rege Boemie, in societate, expensis et conductu ipsius, cum decem nostris militibus, duobus capellanis et octo domicellis, quos ipse Rex Boemie vestire promittit, venire, stare et redire debemus. Vbi in electione predicta vocem et auctoritatem nostram non in alium nec aliter dirigemus, nisi sicut eidem Regi Boemie placuerit et ipse Rex Boemie nos iusserit et sicut in aliis nostris patentibus litteris super voce et auctoritate per nos in eundem Regem Boemie translatis et directis plenius continetur. Quod si legitimo impedimento preueniente ad terminum et locum predictae electionis statuendum venire non possemus uel absoluti per ipsum Regem Boemie ab eodem itinere aput propria maneremus, nuncios nostros, quos loco nostri ad predictam electionem in ipsius Regis Boemie expensis cum pleno et sufficienti mandato nostro ad eligendum tenebimur mittere, ea ibidem auctoritate nostra pro ipso Rege Boemie facere tenebuntur, que nos ipsi, si presentes adessemus, iuxta predictarum nostrarum litterarum, quas ipsi Regi Boemie dedimus, super hoc continentiam, facere teneremur. In quorum omnium testimonium et roboris firmitatem, presentes fieri et sigillo nostro iussimus communiti. Actum et datum in Sytauia, Anno domini Millesimo CC°. nonagesimo primo, in vigilia beati Andree apostoli, iudicacione quinta.

Nach dem im K. K. Geheimen Haus-, Hof- und Staats-Archive zu Wien aufbewahrten Originale. Fehlerhaft — namentlich auch mit der falschen Jahreszahl 1292 bei Ludwig, Reliqu. Manuscript. V. 436 abgedruckt, und bei Buchholtz a. a. D. IV., Urk. Anh. 125.

CCLVI. Pappst Nicolaus IV. bevollmächtigt den Probst zu Brandenburg, zur Vermählung Heinrichs, Fürsten von Mecklenburg, mit Beatrix, der Tochter des Markgrafen Albrecht von Brandenburg, die päpstliche Dispensation zu ertheilen, am 23. Dezember 1291.

Nicolaus etc. Preposito Ecclesie Brandenburgensis. — Ex parte dilectorum filiorum Nobilium Virorum alberti marchionis Brandenburgensis et henrici Magnopolensis, domini Slauie, fuit propositum coram nobis, quod ab olim inter eos, parentes, consanguineos et amicos eorum, instigante pacis emulo, humani generis inimico, graua guerrarum discrimina suscitata fuerunt, quorum occasione preter non modica dampna rerum, pericula personarum euenerunt, et ne grauiora euenire contingant similiter dubitatur: Sicque ipsi, cupientes huiusmodi pericula euitari, cum aliud in hac parte nequeat haberi remedium, inuicem tractauerunt, quod dilecta in cristo filia Beatrix, dicti Marchionis filia, eidem henrico matrimonialiter copuletur. Set quia ipsi, henricus et Beatrix, quarto sunt consanguinitatis gradu coniuncti, non potest, impedimento huiusmodi obstantente, predictorum Marchionis et henrici super hoc desiderium sine dispensatione Sedis apostolice adimpleri. Quare suppliciter petebatur a nobis, ut prouidere super hoc de oportuno dispensationis beneficio salubriter dignaremur. Nos autem, qui salutem querimus singulorum, et libenter cristi fidelibus quietis